

鄖西縣志卷二

輿地志二

城池

易大傳重門擊柝以待暴客周禮掌固掌修城郭溝池樹渠之固誠以建邦設都不可不豫爲計也鄖西僻處楚末曩昔崇墉百雉亦號金湯自滄桑變易樓櫓雉堞百不存一然以山爲礪以河爲帶天然固圉也保障一方端有賴於守斯土者

鄖西爲後設縣治昔爲南門堡成化十二年都御史原傑檄藩司楊琚費臻周謨同襄陽通判鄭理知縣侯爵勅築土城十九年都御史王瓚檄知縣侯爵修築週圍六百三

鄖西縣志

卷二

輿地志城池

一

十步高一丈三尺廣一丈覆以瓦東西南北四門門有樓濬濠一尋廣倍之正德八年知縣陳謚計度磚砌未果知縣范繼志成之嘉靖十四年重脩二十七年泥溝水發衝城知縣黃翊典史董稱重脩以石甃之因名其門東曰暘賓西曰寅餞南曰迎恩北曰拱辰萬歷十四年復加增脩崇禎十五年張猷忠陷鄖西雉堞樓櫓夷爲平地順治四年知縣賀繩烈就東南甕城脩小寨以庇其身上津舊城元宋以上莫考明成化四年築土城正德中知縣曾槐復脩砌之以磚設五門東曰通鄖西曰連漢南曰達楚北曰接秦其西之南仍設一門以便民崇禎末廢於寇順治初知縣顧來初襲舊址三之一重建東枕山西阻吉水廣狹

袁濶唯西南北三門十六年省縣遂降爲上津堡雉堞已毀門制猶在乾隆二十年督院開飭查各屬應脩應建城垣前知縣裴霏請按鄖西舊城基址週圍長五百七十六丈高一丈四尺根寬一丈七尺上寬一丈雉堞每堞高五尺厚一尺四門洞各深三丈高九尺寬九尺具詳請建飭道府勘估相度情形照原基收小以節泛費安襄鄖道李檄委本府王親勘時東面居民尙少屋宇無多即於此處減去四十四丈週圍城身五百三十二丈高厚如前詳署知縣賈軫估工料銀二萬八千四百三十三兩五錢零冊報嗣以費無所出中止乾隆二十五年督院蘇准軍機處字寄奉

上諭傳諭各省督撫督率所屬畱心經畫實力從事有應酌議奏聞者卽就本地情形妥議條規奏明辦理等因行司妥議批委該管道府分往查勘估報奉府行縣知縣胡廷槐詳請減去石基一層增築城身四十四丈仍照原基建造并加砌堞名等項估工料銀二萬六千八百九十兩零復奉督院蘇批飭改建土城或仍收小城基以節糜費重飭該管道府另行確勘情形估報署府談親臨查勘仍將東南城基收小四十四丈並減砌磚一尺堞口五十九個通共核減銀四千七百四十三兩零飭令造冊報部因士民趙國梓等以東面民居日增一旦將房屋拆毀棲止無所呈請照原基興建二十六年知縣胡廷槐據情轉詳二十

七年奉撫部院湯批司議詳鄭西縣城垣東面既有居民古廟且近縣署兼之體制不符應如該府王守所議仍照舊基五百六十丈之數建築其減去砌磚一尺塚口五十九個事屬允協應照談署守原議飭縣遵照辦理事雖議定尙未舉行乾隆三十四年 督憲吳 撫憲揆抄奉

諭旨部議各省新脩城工隨時酌量增減不能拘泥原估情形據知縣黃澄詳稱前任知縣劉可考因所估物料工值俱與時價懸殊不敷購覓難以辦理又因居民廬舍或直壓城身或逼近城根約有三十餘家若使拆屋脩城居民未便且民人捍衛全憑山險不藉城垣所以百餘年來民情安堵等情具詳疊加駁飭復奉撫憲梁飭委安襄鄭道重

鄭西縣志

卷二

輿地志城池

三

鄭陽府九親往勘明實在情形據道憲府憲同署縣張鵬南詳稱舊日城基止存土跡西北逼近溪流東南倚靠高山水抱山環頗覺險固詢之耆老咸稱西邑不通要道無俟城垣至今百餘年來甚爲固密居民亦不願拆遷房屋等情具申三十六年 撫憲梁咨催知縣張道南詳稱西邑經明季兵燹殘毀多成平地間有土埂高一二丈零落不接離城里許四面皆屬高山東西南三面又緊抱溪河現在生齒日繁居民廬舍每年依城添造足資捍衛山路要隘安設柵欄可爲天然險固經 府憲王 道憲永核轉旋據 督憲富 撫憲陳奏明城垣原以衛民生而隆體制但偏僻州縣有可無須建城者自當因地制宜未使

拘泥承辦徒糜費帑項鄖西等九縣雖情形不一類皆倚山設治傍臨深溪民居環處足資防護卽建立城垣轉不若天險之足恃探詢輿論亦屬僉同經部議覆准在案現令居民各於城根栽種竹木以資藩衛

按王公設險原以守固春秋城卽浚洙必重書之盖高壘深溝實爲人心所憑依也但道南曾於北行時見浙省金華處州凡縉雲松陽遂昌龍泉雲和宣平等縣皆在崇山中未嘗設立城池則西邑之山環水繞與此無二已况昔人謂衆志成城在德不在險是又在守土者之責也

舊志

城池歲修攷

鄖西縣志

卷二

輿地志城池

四

嘉慶二年知縣孔繼櫛因其舊趾創築甌城爲門四東曰天乙南曰太平西曰五福北曰文昌
上津本縣治舊有城明季燬於流寇

本朝併入鄖西嘉慶六年知縣孔繼櫛倡率士民重建甌以甌石屹爲重鎮

嘉慶六年至道光十四年閱三十餘年其中或圯或修詳查無從姑闕而不記

道光十四年西城圯知縣殷公聚五勸捐修復

道光二十一年五月東南城圯知縣翁公吉士勸捐修復咸豐二年知縣翁公吉士增築東南城炮台添修雉堞長二十餘丈寬二丈餘四面城濠通爲疏濬

咸豐六年知縣瑞君存改南太平門爲治平門

咸豐七年西北城圯知縣瑞君存勸捐修復

咸豐七年東城圯知縣瑞君存勸捐修復

同治元年五月髮逆轟陷北城十餘丈知縣林君瑞枝諭
藍翎從九楊正榮認修

同治三年春駐防凱字後營叅將吳亮才會商知縣林君
瑞枝以城北黃山賊踞可俯闕城中虛實增修炮樓一座
四面俱安炮眼是年僞啟逆竄逼縣城無敢犯我東比城
賴以全

上津城歷年修葺尙屬完善同治三年藍逆竄陷城樓拆
燬

按城垣原以衛民生而隆體制西自明成化設縣以來始
築以土繼甃以磚金湯鞏固歷有年所迨後或遭霪雨
傾圯或被兵燹摧殘隨時補修皆由司牧者捐廉以爲
倡隸治者解囊以相助民生攸賴體制依然爰考歲修
臚列記之

公署

邑之有署所以發政臨民尊體統壯觀瞻也滄桑變更久已頽廢漸次脩葺規模煥然固國卹民瘼之攸繫而亦以見我

朝體統尊嚴觀瞻壯麗焉爾

知縣署在縣城西北明成化知縣侯爵建明末燬於兵屋宇無存僅留基址順治四年知縣賀繩烈寄治黃龍堽後築南門甕城爲堡因梓童關帝二廟居以爲治康熙三十一年知縣王佩蘭重建署於舊址三十五年知縣王養琇又移之柳塘寺西四十六年遭秦寇之警知縣秦國龍復移甕城後因立廨然窄狹不堪不過因陋就簡乾隆二十

鄭西縣志

卷二

輿地志公署

六

一年知縣王必昌詳請移建舊址材料皆具適抱恙告歸知縣胡廷槐踵而成之其上津縣署重建於明洪武初治元年重脩崇禎末燬於兵順治二年寄治紅崖未幾移之西河後知縣顧來初脩築舊城復立廨於西門內順治十六年省縣遂廢爲行署現上津分防把總居之附知縣王必昌詳文

竊照鄭西一邑東南依毗郡城西北接連陝省之山陽鎮安洵陽商南白河等州縣週迴千有餘里實爲楚國屏障縣治四山環抱二水交流隱然奧區卑職每因公出流覽所在碑碣殘文知前明成化間民戶蕃滋始議置縣築城迨崇禎末流賊猖獗雉堞幾爲平地衙署淪於榛莽僅遺

南門甕城內梓潼廟數椽

本朝順治四年知縣賀繩烈來任邑無居人因葺甕城爲小堡棲處廟中歷任因循未請改建伏覩我

國家休養生息百十餘年近而秦豫遠而江浙襁負來歸旣

庶旣繁東街西市已復舊觀緣城垣未築縣署尙在甕城

中卑職量明東西長九丈零南北廣十丈零內盖瓦屋兩

坐各三間左爲公堂右爲住宅後苦草爲廚房宅後覆瓦

爲卧房東西廂房各二間以處長隨堂前廊房各二間以

處書吏虛立儀門不設門扇其前一列草瓦兼盖共七間

爲監獄爲馬棚爲米倉此外並無別室甕城門故東向甚

深黑內東逼儀門南逼監獄不堪旋馬乃就住宅庭東設

爲宅門以便出入宅門一開洞見街市官將升堂必出宅門轉入儀門內庭廣不盈丈人犯露跪庭中皂隸圍繞屋側廊房淺窄上漏下濕所有文移悉聽書吏携歸繕寫或收或棄卑職遇事索取成案十不存三伏思文移關係

上諭憲檄豈容棄毀因便收入卧房日積月多火燭是懼所有征收錢糧起獲兇器無庫可貯悉在卧房米倉原係小屋每年支放兵米存剩七十餘石暫貯其中現在所積除支放本年秋季兵米外尙存一千一百餘石秋成後當徵收五百餘石更無貯處業經籲請照例變價充餉未奉憲示監獄正對公堂毗連住宅無地可築圍牆晝夜常虞越逸典史衙署遠在城隍廟旁早晚不便僕僕街市月一再至

上年參令田圻縱役在監吊拷誣良案內典史金程茫無
覺察一併糾參可爲炯鑒伏查卑縣僻處山間民樸事簡
坐理有餘乃自乾隆十年以來前令張重輿以告病去臧
茂生以計典去田圻以縱役殃民去裴霏以不勝任去十
年五易無一保其功名又安望其整頓卑職幸承末流主
僕煢煢至止並無親友夙夜冰兢恐辜

皇仁憲德伏思里巷細民猶必安居然後樂業家室虛空則婦
姑勃谿今卑縣衙署制度有乖觀瞻弗肅吏罔畏威民豈
懷德覆轍相尋前車匪遠不得不冒昧詳請 憲臺親勘
冊估轉報一俟 題允便應興工甕城衙署合先移置庶
免臨時周章查例載工程一千兩上下者俱請動項脩理

鄭西縣志

卷二 輿地志 公署

八

卑縣衙署係亂離後草創歷年久遠磚瓦木植破爛朽腐
難以移用一切科物槩當新購需費千數百金應請動項
倘蒙 憲允卑職當卽照例確估造冊申賚再舊址一派
榛蕪堂宇門庭無從辨識左右前後悉係官地不碍民業
俯容卑職審視地形隨宜佈置另行繪圖呈請 憲核合
併聲明隨蒙撫憲張督院碩批司行府卽日繪圖貼說妥
議具詳其覆詳文云遵查卑縣衙署前因簡陋設處南門
甕城匪第規模狹隘難肅觀瞻卽所貯存兵米關係綦重
而藏於卑濕草屋時刻堪虞况書吏辦事無所每將文案
移回私室以致稽查舊案俱屬殘缺不全凡此數端皆爲
縣署不脩所致卑職於上年到任以後察看情形實有不

可再爲因循之處是以將簡陋之狀逐一聲叙詳請動項建蓋縣署茲奉憲行轉飭下縣卑職復爲考求舊署基址年代久遠一切根基墻脚無可辨識而地形高爽均屬曠區官地細驗東西共寬一百二弓南北計長七十九弓將來外築圍牆內建堂宇門庭米倉監獄科房等項儘足敷用唯南至之前臨街官地內左經駐西兵丁蓋建瓦房三間草房七間右係駐西千總汛房一所內草蓋正房三間書房二間住房六間將來起建縣署除北至身後已建常平倉廩不便退那迫促及南至臨街左右無礙房屋仍舊存畱外唯左畔兵丁草房四間千總書房二間緊逼頭門且無照墻基地卑職隨卽面商駐防千總云舊書房現係

矮小草屋移置西首并將圍墻縮入爲費無幾其兵丁草房四間易給官地量予工費令其遷移事屬可行其餘並無隔碍民居廟宇之處至典史衙署在於城隍廟旁距現在甕城縣署並將來新建署所均屬隔遠難以照應若欲一併移建未免有需繁費而駐西千總汛房卽在擬建縣署頭門之右若將舊有之房畧加脩葺再爲添建正堂三間書皂房屋數間卽易作典史衙署爲費無多俾得毗近縣署早晚稽查監獄實覺便宜至典史衙署易作千總汛房現有門庭堂宇瓦草兼蓋上下房屋二十餘間儘爲寬裕無庸增葺商之千總亦稱妥便謹將勘驗應建縣署基地情形繪圖貼說並謬抒末議詳請憲台俯賜核轉奉督

院碩撫院盧批准奏請乾隆二十二年十二月初一日准吏部咨開文選司案呈工科抄出前護湖北巡撫吳 題前事等因乾隆二十二年九月十三日奉

旨該部議奏欽此會議得護巡撫吳疏稱鄖西縣舊有衙署年久傾圮無存順治年間前任知縣賀繩烈暫就南門甕城梓潼廟內湊葺數椽居住至今未請另建前據鄖西縣知縣王必昌詳請另建經前撫臣盧行查去後今據陞任布政使劉按察使吳詳據鄖陽府知府王文裕詳稱該縣依棲南門甕城內規模狹隘實屬卑陋且每年所剩兵米貯於卑濕草房霉爛堪虞書吏辦公無所文券難貯應請准其移建舊址其典史衙署向在城隍廟旁距監獄遙遠難

資防範該縣與貼近縣署之防汛千總會議互相調換共兵丁草房四間千總書房二間逼近縣署頭門基址亦令遷移均屬簡便通共冊估工料銀一千七百五十八兩四錢五分零請在於乾隆二十二年三分公項銀內動給興脩工竣委驗據實造冊請銷等因前來查湖北鄖陽府屬之鄖西縣知縣既據該護撫稱舊有衙署年久傾圮無存順治年間前任知縣賀繩烈暫就南門甕城梓潼廟內湊葺數椽居住至今未請另建前據鄖西縣知縣王必昌詳請另建前撫臣盧行查去後今據陞任布政使劉按察使吳詳據鄖陽府知府王文裕詳稱該縣依棲南門甕城梓潼廟內規模狹隘實屬卑陋其每年所剩兵米貯於草房

霉爛堪虞書吏辦公無所文卷難貯應請准其移建舊址其典史衙署向在城隍廟旁距監獄遙遠難資防範該縣與貼近縣署之防汛千總會議互相調換其兵丁草房四間千總書房二間逼近縣署頭門基址亦令遷移均屬簡便通共冊估工料銀一千七百五十八兩四錢五分零請在於乾隆二十二年三分公項銀內動給興脩工竣據實造冊請銷等語應如該護撫酌定限期轉飭作速辦理俟工竣之日將寔在用過工料銀兩照例備造細冊委員查勘取結報銷其所需工料銀一千七百五十八兩四錢五分零亦應如所題在於乾隆二十二年三分公項銀內動給造入該年公項冊內報明戶部查核等因乾隆二十二

年十二月初三日奉

旨依議欽此嗣知縣王必昌以病去知縣胡廷槐領銀建造經始於乾隆二十四年春二月庚子告成於乾隆二十四年夏六月己巳臨街照牆一座大門三間門內左班房三間中卽爲土地祠右班房三間中卽爲鄴侯祠隸役處之儀門三間門內左右科房各四間書吏處之中甬道建房一座上書戒石銘大堂五間前砌月臺上蓋捲棚堂後宅門一座內左右廂房各二間長隨處之三堂五間顏曰師獻堂左隔一間爲庫房右隔一間爲會客處堂後宅門一座左右廂房四間住房五間二堂東側建花廳三間顏曰環翠軒又東開箭道築亭一間顏曰射圃北爲庖廩二堂西

側建書房三間耳房二間以延幕友又前兵米倉六間又前爲監獄五間乾隆三十六年因邇來犯多獄窄知縣張道南捐建二間
典史衙署舊在南街城隍廟西側係明都御史原傑祠兵燹後借爲典史署乾隆二十二年知縣王必昌詳請將舊署與防汛千總署調換閱年久遠所存草屋數間俱皆朽腐添建照牆一座頭門一間二門三間左右廂房四間以居書隸大堂三間堂後左右廂房四間上房三間廚房二間乾隆二十四年知縣胡廷槐建堂西書房一間典史徐士仁捐俸添建

巡檢司衙署在上津堡乾隆二十年抄奉吏部等咨開文

選司案呈吏科抄出調任湖廣總督開疏稱湖北黃州府屬裁汰驛丞添設巡檢一案經臣會疏具題准部議覆黃州府屬之李坪陽邏巴水西河雙城等五驛驛丞均各准其裁汰歸併該處巡檢暨各州縣管理又鄭縣之江峪塘鄭西之上津堡谷城之馬腦觀地方各准添設巡檢一員其兼管驛務之巡檢二員應行改鑄印信添設巡檢三員應行鑄給印信並添設各巡檢應建衙署應設弓兵支給養廉俸工等項分晰具題到日再議等因除請鑄各巡檢印信及支給俸工養廉等項業經題准部覆轉飭遵照並將裁缺各驛丞咨部補用外所有應建衙署今據湖北布政使沈詳據鄭西縣知縣裴霏詳稱查上津堡有荒廢官

地一塊應請在該地建立巡檢衙署共需銀三百七十兩六分八厘零原係按照本地情形價值據實估報按册核筭均屬必需並無浮冒應請在於乾隆二十年三分公項銀內動支興脩工竣委驗另取實用工料細册請銷等因前來查乾隆十九年臣部等部議覆調任湖廣總督開等題請將黃州府屬之李坪陽邏巴水西河雙城各驛丞均各准其裁汰歸併該巡檢各州縣管理其鄖縣之江峪塘鄖西之上津堡地方各准其添設巡檢一員谷城之馬腦觀地方亦准其添設巡檢一員其新設各巡檢應建衙署應令該管等官具題到日再議等因奉

旨依議欽遵在案今該督等既稱據鄖西縣知縣裴霏詳稱查上津堡有荒廢官地一塊應請在於該地建立衙署估需銀三百七十兩六分八厘零應請在於乾隆二十年三分公項銀內動支興脩工竣委驗另取實用工料細册請銷等語應如該督等所請奉

旨依議二十一年正月署知縣賈軫領銀建造本年四月知縣王必昌告竣臨街照牆一座頭門一間廂房二間大堂三間廂房二間二堂三間廂房六間

以上叙題奏處凡江峪塘馬腦觀所題請領蓋造銀數俱節省不叙入

縣署乾隆二十三年知縣胡公廷槐繼脩嘉慶二年燬於白蓮教匪嘉慶六年知縣孔公繼榘重建仍其舊址臨街

建照牆東西爲柵門頭門內各役班房各三間儀門三間左右爲蕭公土地祠東西脩吏舍各四間大堂五間左爲號房右爲承發房宅門內東西廊房各二間二堂五間三堂五間東西配房各三間別院小廳三楹築小獅子林爲花廳東垣內廚房三間再東爲射圃西垣內北房五間西房二間南房二間爲幕廳嘉慶二十四年知縣何公鍾泰於三堂後隙地建天香閣咸豐三年知縣翁公吉士又於天香閣之左偏建福德祠同治元年髮逆陷城署內三堂及東西兩廊俱爲賊燬大堂前各吏舍亦爲撤塌同治四年知縣程君光第捐脩兩傍吏舍

典史署二門內左右廂房久圯道光十九年典史袁公名

懿捐俸補脩二堂咸豐元年又捐俸補脩大堂

巡檢署在上津堡今改作通判署同治二年藍逆竄毀通判定公熙補脩

教諭署在明倫堂後同治元年髮逆撤燬知縣林君瑞枝補脩

訓導署在明倫堂之西舊有草房三間乾隆三十六年知縣張公道南訓導戴公悅捐建西廂瓦房二間同治元年俱燬於賊同治四年知縣程君光第重脩

城守營守備署舊在南街今西橫街乾隆二十二年與典史調換爲千總署今改爲守備公廨堂宇瓦草兼蓋上下房屋二十餘間

千總署在上津堡舊爲上津縣署今改爲千總署頭門二堂俱圯惟存大堂上房數間

把總署在東門大街嘉慶七年知縣孔公繼楨捐置有記城守外委無署

夾河關分汛把總署未建仍住外委所住塘房

藍灘分汛外委署未建現住塘房

倉庫 詳積儲

試棚 詳學校

演武廳在守備署西教場在西城外三里廳廊未建僅脩照牆一座

營房舊志未詳

鄖西縣志

卷二 輿地志 公署

十五

塘汛 詳武備

陰陽學醫學舊無署

僧會司舊在永慶寺今移西街觀音堂

道會司在城隍廟

養濟院在西門內瓦房六間乾隆十一年被火焚燬十二年署知縣狄蘭谷知縣臧茂生公捐重脩乾隆三十九年知縣張道南重脩道光十九年添建瓦房六間

按養濟院宋曰安養明改今名陸清獻曰官舍皆邑所不可廢也而養濟院尤不可不加意焉文王發政施仁必先鰥寡孤獨此非其一端耶

監獄所在縣署儀門內西偏房屋六間禁卒更夫房二間

街市

街市者四達不悖通衢之謂也鄭西明季遭流寇之擾城郭廬舍蕩然無存何有街市入我

朝嘉慶二年孔公為創甄城民間置房宇縱橫分途日中成市肩摩轂擊攘往熙來於是街市興焉迨同治壬戌之亂存者半毀者大半所幸生齒猶繁俟年歲登民氣復自不難成衢列肆也今仍舊志街市書之

縣前直前街 南街 北街 西街 東街 里仁街
居仁街 十字街 下十字街 雲路街 館驛街 察院街 舊志

按府志載有小十字街舊街拱北街集賢街汪家街名雖

鄭西縣志

卷二 輿地志 街市

不同其實一也自嘉慶二年白蓮教亂後知縣孔公繼櫛重修縣城街名遂與前異併載以備攷

縣署前 正街 吳家巷附 南街 北街 西街 東街 西橫街
南橫街 聚賢街 左家巷附 南十字街 西十字街 王家巷附

鄉鎮

古者制井田正經界而後鄉里以分無所謂鎮也後世以鄉之拓大者稱之鄉爲居民托處田廬咸集其與村落而較同市廛而或異也西津舊有鄉鄉之外復列以鎮鎮以固民亦便民也食貨取於斯貿易萃於斯工商雲集復於斯其屋宇毘連人烟輻輳者可與鄉爲四郊之捍衛也凡鄉鎮所由來無從考核今仍其舊以臚列焉

西鄉

觀音堂鎮在觀音保距縣三十里

天河口鎮在觀音保距縣五十里上下二街上街屬鄭西

下街屬鄭縣

鄭西縣志

卷二

輿地志鄉鎮

十七

過風樓鎮在雞冠保距縣四十里

何家店鎮在火車保距縣四十里

西南鄉

板橋河鎮在烟墩保距縣七十里

羊尾山鎮在朝陽保距縣九十里

北鄉

土門鎮在土門保距縣三十里

香口鎮在香口保距縣六十里

黃雲鎮在黃雲保距縣七十里

西鄉

夾河關鎮在小河保距縣一百五十里

藍灘鎮在藍河保距縣二百四十里

西北鄉

上津縣鎮在上津保距縣一百四十里

兵營舖鎮在嵩山保距縣一百四十里

六郎關鎮在六郎保距縣一百四十里

舟渡

原夫舟渡之設爲途介河津而難徒涉也設舟渡以濟之故於山谿川澤之間有疊石以爲隄者或築土以爲岸爲舟楫往還停泊之所俾行商過客知待渡而呼焉詩云方之舟之易云利涉大川其非舟渡之大較歟

碼頭渡縣南二里

大廟溝渡縣南二十五里

天河口渡縣南五十里

泥河渡縣西南六十里

西河渡上津堡西萬歷四十四年設

關王渡上津堡南萬歷四十四年設

鄭西縣志

卷二

輿地志舟渡

十九

江口渡上津堡南萬歷四十四年裁

夾河關渡上津堡南一百二十里

六郎關渡上津堡南六十里

橋梁

在昔橋梁之設濟民免徒涉也或築通津大川之間或築要隘山谿之地鑿石爲址跨水成梁俾商旅往來而不艱於徒步也尤於農隙時修之葺之以補其傾圮孟子曰歲十一月徒杠成十二月輿梁成民未病涉也其卽橋梁設之謂歟

勝輿橋縣南一里

楊樂橋縣西南三里

西河渡橋縣北一里

渡春橋縣北二里

關王廟橋縣南三里

鄖西縣志

卷二

輿地志橋梁

二十

偏橋縣東北十六里

永思橋縣西南二十里 道人黎世明脩

永賑橋縣南五十里 知縣蘭廷芳脩

龍橋縣南三十里

泥河橋縣西南六十里

天橋縣西北八十里

板橋縣西南一百里

永濟橋堡南二里

利濟橋堡北三里

高橋上津北門外

天橋堡西北二十里大小二橋高十餘丈

便涉橋堡南三十里

六郎關橋堡南六十里

夾河關橋堡南一百二十里

長春橋堡北